

Ambasador Hays u posjeti Brčkom

Prvi zamjenik visokog predstavnika, ambasador Donald Hays, i zamjenik visokog predstavnika za ekonomska pitanja, Patrice Dreiski, posjetili su danas Brčko Distrikt Bosne i Hercegovine i održali niz sastanaka o poljoprivrednim, proizvodnim i regionalnim ekonomskim pitanjima. Posjetili su Mlin-Pšenica, Regionalnu razvojnu agenciju Brčko Distrikta, Italproject, Fabriku za proizvodnju blokova IBD i Luku Brčko.

Nakon razgledanja Luke, ambasador Hays je rekao: “ Došao sam u Brčko da se upoznam sa novim idejama o ekonomskom razvoju. Brčko ima pravu ideju: ‘Ne čekajte na druge – idite naprijed i napravite promjenu sada.’ Ono što ovoj zemlji treba je ekonomski okvir evropskih standarda; pravni sistem koji obezbjeđuje izjednačene uslove za sve privrednike i poslovne ljude i obrazovni sistem koji će poslovnom sektoru obezbijediti mlade ljude koji su odmah spremni za izlazak na tržište, i Brčko poduzima prave korake u tom smjeru.”

“Od moje posljednje posjete Brčkom u julu, zajedno sa ministrom Mikerevićem, postoji istinsko priznavanje nove saradnje između Vlade države i Brčko Distrikta i vidim da će ova saradnja u bliskoj budućnosti biti od koristi objema stranama.”

Za više informacija, molimo Vas da stupite u kontakt sa Suzanom Pejčić, službenikom OHR-a Sjever zaduženom za odnose sa javnošću, na telefon +387(0)49 217 666 ili +387(0)61 133 526.